

佛頂最勝陀羅尼經序

弘福寺沙門孝傑述

夫業理綿微二乘不足臻其極神宰惚恍十地未易暨其深則知賦命交加罕言於孔宣父報應叢雜冥昧於太史公是以先笑後號鷗雀祥而莫准始凶終吉桑穀妖而弗驗或倚或伏之說柱下庶欲照其幾爲禍爲福之談塞上僅可隣其次若乃探緣洞業索果明因儔絜大於百家孰有京於十力故能息善住之萬惡杜閻摩之圓戶轉凡階聖引短成

脩比宋景之退法星猶蒂芥於三舍偶魯陽之攝落日故齟齬於再中何只庇託延祺見聞招賴惡神香於異域恥靈草於瓊田若斯而已哉乃將輕埃附而九惱祛清吹獵而三障殄皎鏡齊光於日寶暉煥比麗於天金雖事若反常而乘機顯妙奚可以常人之耳目擬議大聖之希夷者焉此經以儀鳳四年正月五日朝散郎行鴻臚寺典客令杜行顗與寧遠將軍度婆等奉詔譯進時有廟諱國諱皆隱而避之即世尊爲聖尊世界爲生界大

莫五

十五

勢爲大趣救治爲救除之類是也上讀訖謂行顓曰既是聖言不須避諱杜時奉詔以正屬有故而寢焉無幾勅中天法師地婆訶羅於東西二京太原弘福寺等傳譯法寶而杜每充其選余時又參末席杜嘗謂余曰弟子庸材不閑文體屈師據勅刪正亦願依文筆削余辭以不敏載涉暄寒荏苒之間此君長逝余歎惋流涕思其若人又懼寢彼鴻恩乘於貝牒因請沙門道成等十人屈天竺法師再詳幽趣庶臨文不諱上奉皇私曲盡方言

下符流俗故乃具表曲委陳諸始末俾夫披覽之士無猜此教焉于時永淳元年五月二十三日也

佛頂最勝陀羅尼經

唐中天竺三藏法師地婆訶羅譯

如是我聞一時佛在舍衛國祇樹給孤獨園與大比丘衆八千人俱復有菩薩摩訶薩等一切皆得正智明炬照於諸法無所罣礙其

永樂北藏

佛頂最勝陀羅尼經

第四六冊

名曰文殊師利菩薩蓮華勝藏菩薩離諸障
菩薩觀世音菩薩得大勢菩薩執金剛菩薩
虛空藏菩薩普賢菩薩彌勒菩薩持地菩薩
摩訶薩等如是上首三萬二千人俱復有萬
梵天王善吒天等各從餘世界來至佛所復

莫云

十六

有萬二千天帝與無量諸天龍八部人非人
等來至佛所爾時世尊四衆圍遶供養恭敬
而爲說法當是之時釋天衆中有一天人名
曰善住與諸天女處大寶宮放逸嬉戲恣情
受樂其夜有聲呼善住曰却後七日汝定命

終於閻浮提七返生死從是已後復入地獄
從地獄出後得人身生盲貧窮具受諸苦善
住聞已心驚惶怖身毛爲豎顫慄不安奔馳
往詣彼釋天所陳已所聞請求哀救時釋天
王聞善住言心生驚悼默而思曰云何七生
彼生何類作是念已即見善住死相現前受
於豬身畢豬身已復受狗身如是次第狐身
猴身毒蛇之身鳥身驚身如是七生恒食臭
穢時釋天王見此事已深哀善住必受斯苦
自念於彼無如之何唯佛世尊方能救濟時

釋天王於夜後分賞諸華鬘衣服瓔珞種種香等詣舍衛國供養世尊禮佛雙足却住一面而白佛言世尊我所止宮有一天子名曰善住耽荒戲樂縱情遊處夜忽有聲呼而謂曰汝後七日必定命終於閻浮提受七惡報所生之處常食臭穢從是已後復入地獄十七從地獄出得生人中盲瞽貧窮具受衆苦向我求救無如之何我思世尊方能救彼爾時世尊聞見釋天陳請畢已頂放種種雜色光明流照十方一切世界照已還至佛世尊所右

遶三匝從佛口入佛便微笑告釋天言我有如是清淨諸趣灌頂最勝大陀羅尼能滿汝願救於彼苦亦大饒益一切衆生天帝我此神呪力能滅除一切業障地獄畜生閻摩羅等種種諸苦又能破壞地獄等道令諸衆生登正覺路天帝若有暫能聽聞之者悉得消滅一切業障生死諸苦當獲善利得宿命智從一佛國至一佛國從一天中生一天中所生之處常識宿命若有學習此經呪者現百年限更增其壽身口意淨泰然安樂諸佛觀

視諸天衛護一切菩薩咸加慈念若常讀誦
此經呪者彼三惡道所有諸苦息滅不行一
切佛刹諸天福門導之令入時天帝釋聞佛
讚說此陀羅尼前白佛言世尊唯願如來憐
愍攝護一切衆生請說所陳清淨諸趣佛頂
最勝大陀羅尼爾時世尊受天帝請即爲演
說陀羅尼曰

納謨納莫一怛薩謎薄伽跋帝二唵唎路迦
引鉢羅底祕失瑟吒引拏何切耶三余切三菩馱引
耶四摩訶牟泥去聲五怛姪他六嗚吽七祕

輸馱耶八三摩三漫多何婆去聲婆賀婆九薩
破羅拏去聲咖去聲底伽訶那十薩婆何婆婆舜入聲
提十阿鼻訖者麼蘇伽陀跋羅跋繕那二十阿
蜜唎多引毗曬鷄平聲呼可引上喝囉上聲啊
引喝囉四上啊引去聲瑜散去聲陀引囉昵五十輸
馱耶輸馱耶六十薩婆羯摩婆囉拏引七十謎
噯囉跋伽伽那毗舜去聲下同提八十嗚瑟贖引沙
跋囉曷囉怛那毗杜耶九十達摩馱都蘇毗舜
提十二薩訶薩囉喝囉濕弭珊珠地帝二十末
昵摩訶末昵蘇真陀末昵二十跋囉薩婆怛

他揭多地瑟咤引那地瑟恥多二十摩訶母
姪一十跋折囉箇引耶僧訶哆那蘇舜提
二十薩婆婆羅拏毗舜提二十鉢刺底婆你
婆哆耶余何切啊去聲瑜舜提二十三摩耶頰地
瑟恥低二十末你摩末你二十怛闍多部多
俱胝鉢李舜提三十毗切薩普多醇地平聲舜
提三十杜耶杜耶三十毗杜耶毗杜耶三十
毗杜耶薩摩羅薩摩囉三十薩婆菩馱引頰
地瑟恥多舜提三十跋折唎跋折囉揭鞞三十
六跋折覽婆伐都三十麼麼自稱薩婆薩埵

耶引三箇耶毗舜提三十薩婆伽去聲底平聲鉢
李舜提四十薩婆怛他揭多四十三磨去聲室縛
二字合聲宿賀切婆頰地瑟恥低四十醇陀地耶切醇
陀四十菩陀耶菩陀耶四十三曼多末囉達
摩馱都鉢李舜提四十薩婆怛他揭多四十
頰地瑟咤引那頰地瑟恥低四十娑婆訶十四
八

佛告天帝此陀羅尼八十八億百千恒河沙
諸佛世尊所共宣說守護稱讚智印印之如
是諸佛為欲解脫地獄畜生閻摩羅等沉溺

苦海諸苦毒故又爲利益短壽薄福卑陋下
賤一切衆生諸惡業故又爲安樂趣諸惡道
天逆亂心一切衆生諸苦惱故是故諸佛說
此最勝大陀羅尼天帝汝當以此大陀羅尼
授善住天令彼修習亦當爲彼諸天天子及
閻浮提一切衆生宣揚顯說令彼衆生受持
讀誦供養恭敬尊重讚歎天帝我以此法陀
羅尼印付囑於汝汝當奉持持此呪者悉能
除滅百千劫中一切罪業所生之處常遇諸
佛乃至獲得無上菩提天帝我此法印大陀

羅尼具大吉祥如日藏寶所在之處光明照
朗亦喻於彼閻浮提金無穢無瑕不染塵垢
若人有能讀誦書持憶念修行供養之者悉
得如上所有功德天帝若有書此大陀羅尼
安彼高幢置高山上高屋高處及高塔中令
諸四衆遠近見者亦得如上所有功德或爲
幢影影覆其身或爲幢風風所吹鼓或幢飄
颺飛塵全身亦得如上所有功德天帝若有
四衆能於彼彼四衢道中造作塔廟安置如
是大陀羅尼日目能以種種華鬘繒旛幢蓋

瓔珞香等以用供養及能旋遶恭敬禮拜當知是人是大菩薩是真佛子是法橋梁亦是諸佛舍利寶塔爾時閻摩法王聞是事已其夜將曉賫持種種雜色寶華種種諸香寶衣瓔珞來詣佛所頂禮佛足右遶七匝却住一

卷八五

二十

面以諸供具供養如來修供養已白佛言世尊我今爲欲報佛恩故常勤奉事此大威力具大果報擁護一切閉地獄門清淨諸趣大陀羅尼爾時四天王從座而起遶佛三匝前白佛言世尊唯願爲我說此修行陀羅尼法

佛告四天王諦聽諦聽善思念之吾爲汝等及諸衆生說彼修行陀羅尼法若有命短求長壽者或有病者求除愈者或有惡業應墮地獄餓鬼畜生諸不善趣如是等類皆當以彼月十五日洗浴清淨著新潔衣又當受持八戒齋法然後誦此大陀羅尼滿足千遍當獲安樂增其壽命所有病若皆得除愈諸惡業報悉滅無餘若有耳聞如是呪者盡其壽命往極樂國蓮華化生常識宿命若有爲彼惡業所牽已命終者亦當誦此陀羅尼呪二

十一遍以呪呪土散其屍上隨所生處捨彼
若身生天受樂若能日日誦此最勝大陀羅
尼經三七遍亦得如上所有功德生生常處
淨佛國土於諸佛刹作大光明常與佛俱爲
佛所記乃至獲得大般涅槃若有諸人於此
法門如上所求諸心願者當作一壇四方正
莫五
等於其壇內散種種華燒衆名香一心普念
十方諸佛右膝著地張跪合掌屈二頭指按
二拇指當於心上稱言善哉然後誦此陀羅
尼呪若有人能誦持此呪日日滿足一百八

遍卽爲供養如上所說恒河沙等諸佛世尊
亦爲供養汝等四王當知是人一切讚善以
大菩提莊嚴其心獲無礙智是真佛子爾時
世尊說此語已告天帝言天帝汝可以此陀
羅尼法授彼善住滿七日已可與彼俱來至
我所時釋天王受佛教勅還本天宮呼善住
來授彼神呪善住聞已恭敬供養如說奉行
至于七日諸惡業等皆得除滅於已天中增
其壽命歡喜踊躍發大聲言奇哉佛陀奇哉
達磨奇哉僧伽奇哉最勝陀羅尼印力能滅

